

卷七湯方目



小金丹方

還魂湯

又方

外臺走馬湯

雄黃

粉

治瘟方

辟瘟殺鬼丸

八毒赤丸

以上疫癘鬼症

茵陳

蒿湯

消石礬石散

梔子大黃湯

桂枝加黃芪湯

猪鬃髮煎

茵陳五苓散

大黃消石湯

麻黃

醇酒湯

黃疸方

赤苓散

寒水石散

女勞疸

牛疸煎

救急三十種黃方

療黃疸方

近效

瓜蒂散

麻黃連翹赤小豆湯

黃芪芍藥桂枝苦酒湯

以上諸疸半夏秫米湯

半夏麻黃丸

桂枝救逆湯

黃

連阿膠湯

酸棗仁湯

溫胆湯

治多忘

枕中

方 鎮心省睡益智方

療虛煩不可攻方

以上情志卧夢

補腎

治五聾方

菴蓉丸

麝香佛手散

磁石猪腎羹

通耳法

以上耳

七寶散

去腎方

補肝丸

磁味丸

石斛夜光丸

羚羊角散

蟬花散

洗眼藥

以上

目通草散

鼽鼻方

消鼻痔方

凌霄花散

蒼

耳散

治鼻淵方

又方

又方

鼻中癰肉

以上鼻

口甘方

口苦方

療口瘡

推頰車法

口氣鼻

穢方

口中臭方

口香去臭方

治緊唇方

又

方 塗唇方 刺舌法 療舌腫方 療舌腫方

療重舌 療舌脹方 療舌腫脹 治失音 療

馬喉痺 琥珀犀角膏 喉腫刺法 口傍惡瘡方

敷面麝方 又方 止牙痛方 治牙痛仙方

治牙疼方 如神散 細辛散以上口齒

蘭臺丸
卷七
易方目
二

蘭臺軌範卷七

吳江徐靈胎洄溪著

男

熾鼎和校

疫癘鬼疰

素問

遺篇刺法論黃帝曰余聞五疫之至皆相染易無問大小病狀相似不施救療如何可得不相移易者岐伯曰不相染者正氣存內邪不可干避其毒氣天牝從來天牝內經注云鼻也空虛能受天地之氣故曰天牝欲其來往出入復得其性氣出於腦卽不邪干氣出於腦卽先想心如日欲將入於疫室先想青氣自肝而出左行於東化作林木次想白氣自肺

而出右行於西化作戈甲次想赤氣自心而出南行於上化作燭
明次想黑氣自腎而出北行於下化作水次想黃氣自脾而出存
於中央化作土五氣護身已畢以想頭上如北斗之煌煌然後可
入於疫室又一法於春分之日日未出而吐之又一法於雨水日
後三浴以藥泄汗

病源

一歲之內節氣不和寒暑乖候或有暴風疾雨霧露不散則民多
疾疫無長少卒皆相似如有鬼厲故云疫癘

中惡 精神衰弱爲鬼神之氣卒中之卒然心腹刺痛悶亂欲死

凡卒中惡腹大而滿者診其脉緊大而浮者死緊細而浮者生

又中惡吐血數升脉沉數細者死浮大如疾者生

脉大段如此亦不可泥卒然

吐血多者多係中

惡莫作吐血治

尸厥 陰陽逆也其狀如死猶微有息而不恒脉尚動而形無知

也脉沉大而滑身溫而汗此爲人腑氣復自愈若唇青身冷此爲入臟卽死

鬼擊 謂鬼癘之氣擊著於人也得之無漸如人以刀矛持刺狀

胸脇腹內絞急切痛不可抑按或吐血或鼻中出血或下血一名

爲鬼排重者死

卒魘 魂魄外遊爲他邪所執欲還未得忌火照之照則神魂遂不復入乃死若在燈光前魘者是本由明出不忌火

三尸諸蟲 其蟲與人俱生而此蟲忌血能與鬼靈相通常接引外邪爲人患害其發作之狀或沉沉默默不知所苦而無處不惡或腹痛脹急或磈塊踊起或攣引腰脊或精神襍錯變狀多端其病大同小異但以一方治之者故名諸尸也

尸注 是五尸內之尸注而挾外鬼邪之氣流注身體令人無處不惡每節氣改變輒至大惡積月累年漸就頓滯以至於死死後復易旁人乃至滅門以其尸病注易旁人故謂尸注

喪尸 人有年命衰弱至於喪死之處心意有所畏惡其身內尸蟲性既忌惡便更接引外邪共爲疹病其發亦心腹刺痛脹滿氣急但逢喪處其病則發故謂之喪尸

尸氣 人有觸值死尸或臨尸其尸氣入腹內與尸蟲相接成病其發亦心腹刺痛脹滿氣急但聞尸氣則發故謂之尸氣

諸注 謂邪氣居住人身內故名爲注又注易旁人也乃有三十

六種九十九種而方皆不顯其名所載有風鬼轉生死邪氣寒熱冷蠱毒惡忤遁走溫喪哭殃食水骨血溫痺勞微泄石產土飲以上諸注皆正氣虛而邪氣傳綿也與諸尸病相近

又有九種注

一曰風注 二曰寒注 三曰氣注 四曰生注 五曰涼注

六曰酒注 七曰食注 八曰水注 九曰尸注

疫癘方

小金丹方 素問

辰砂 二兩 水磨雄黃 一兩 叶子雌黃 一兩 紫金 半兩 愚按以金

爲細末

同入合中外面固了地一尺築地實不用爐不須藥制用火二十

斤煨之也七日終 常令火不絕 候冷七日取次日出合子 合子即磁罐之屬

取出順日研之

順日研之謂左旋也

三日煉白沙蜜爲丸如梧子大每日

望東吸日華氣一口冰水下一丸和氣咽之服十粒無疫干也

還魂湯

金匱

救卒死客忤死

麻黃

三兩去節一方四兩

杏仁

去皮尖七十個

甘草

一兩炙干金用桂心二兩

右三味水八升煮取三升去渣分令咽之通治諸感忤 千金

方云此方主卒忤鬼擊飛尸諸奄忽氣絕復覺或已無脉口禁

拘不開去齒下湯湯入口不下者分病人髮左右足踏肩引之

藥下復增取一升須臾立甦

又方

韭根 一把
烏梅 二七
吳茱萸 半升

右三味以水一斗煮之以病人櫛內中三沸櫛浮者生沉者死

煮取三升去滓分飲之

外臺走馬湯 金匱附方 治中惡心痛腹脹大便不通并通治飛尸鬼擊

巴豆 二枚去皮心熬 杏仁 二枚

右二味以綿纏搥令碎熱湯二合捻取自然汁飲之當下老小

量之

雄黃粉 干金翼 治卒中鬼擊及刀兵所傷血漏腹中不出煩滿欲絕

雄黃一味爲粉以酒服一匕圭曰三血化爲水

治瘟方外臺 瘟疫轉相染着至滅門延及外人無收視者

赤小豆

鬼箭羽

鬼白

雄黃研

丹砂各二兩

右五味搗末蜜丸如小豆大服一丸可與病人同牀

辟瘟殺鬼丸外臺

虎頭骨

五兩

硃砂

一兩半研

鬼臼

一兩

雄黃

一兩半研

皂莢

一兩

雌黃

一兩

半兩 蕪荑一兩

右七味搗篩以蠟蜜和彈丸大絳囊盛繫臂男左女右家中置

屋四角月朔望夜半中庭燒一丸忌生血物

八毒赤丸寶鑑

治鬼疰病

雄黃

礬石

硃砂

附子泡

藜蘆

丹皮

巴豆

各一兩

蜈蚣一條

爲末蜜丸小豆大每服五七丸冷水送下

無時

礬石或作礬石

紫金錠

藕合丸

二方俱見通治

諸疸

附黃汗

素問

平人氣象論溺黃赤安臥者黃疸已食如饑者胃疸目黃者曰黃疸

金匱

跌陽脉緊而數數則爲熱熱則消穀緊則爲寒食卽爲滿

脉緊而數則有

熱兼有寒故用藥亦當寒熱兼顧古方可考也

尺脉浮爲傷腎跌陽緊爲傷脾風寒相搏

食穀卽眩穀氣不消胃中苦濁濁氣下流小便不通陰被其寒熱

流膀胱身體盡黃名曰穀疸額上黑微汗出手足中熱薄暮卽發

膀胱急小便自利名曰女勞疸腹如水狀不治心中懊懣而熱不

能食時欲吐名曰酒疸夫病酒黃疸必小便不利其候心中熱

足下熱是其證也酒疸心中熱欲吐者吐之愈酒疸下之久

久爲黑疸目青面黑心中如噉蒜蘘狀大便正黑皮膚爪之不仁

脉浮弱雖黑微黃故知之黃家從溼得之一身盡發熱面黃肚

熱熱在裏當下之 黃疸之病當以十八日爲期治之十日以上
瘥反劇爲難治 疸而渴者其疸難治疸而不渴者其疸可治發
於陰部其人必嘔陽部其人振寒而發熱也 黃汗之病兩脛自
冷假令發熱此屬歷節食已汗出又身常暮卧盜汗出者此榮氣
也若汗出已反發熱者久久其身必甲錯發熱不止者必生惡瘡
若身重汗出已輒輕者久久必身瞢瞢卽胸中痛又從腰以下必
汗出下無汗腰臑弛痛如有物在皮中狀劇者不能食身疼痛煩
燥小便不利此爲黃汗

病源

黃病 黃病者一身盡疼發熱面色洞黃七八日後壯熱口裏有

血當下之法如狔肝狀其人少腹內急若其人眼睛澀疼鼻骨疼

兩膊及項強腰背急卽是患黃多大便澀但令得小便快卽不慮

死不用大便多多卽心腹脹不存此由寒濕在表則熱蓄於脾胃

腠理不開瘀熱與宿穀相搏煩鬱不消則大小便不通故身體面

目皆變黃也

利小便爲治黃總訣

急黃 脾黃有熱穀氣鬱蒸因爲熱毒所加故猝然發黃心滿氣

喘命在頃刻故云急黃也

勞黃 脾臟中風風與瘀熱相搏故令身體發黃額上黑微汗出